



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

Art. I. An Beati necessariò diligent Deum quantum ad exercitium

[urn:nbn:de:hbz:466:1-77355](#)

pugnat manu, & recipit coronam in capite. Li- A
cet ergo meritum, & tendentia in ultimum fi-
nem, ad voluntatem pertineant: ejus tamen
consecutio ad intellectum spectat, & fit, ut ita
loquar, manu intellectuali.

^{165.} Ad ultimam probationem distinguo Majorem: ut formaliter est summum bonum, si particula ut reduplicet rationem qua attingitur per consecutionem, concedo Majorem: si reduplicet rationem sub qua attingitur, nego Majorem; & sub eadem distinctione Minoris, nego Consequentiam. Solutio patet ex dictis supra art. 2. §. 2. in solutione secunda objectionis: ibi enim ostendimus, quod licet beatus per beatitudinem formalem asequatur Deum ut summum bonum & ultimum finem, ratio tamen sub qua illum consequitur, non est ratio boni, sed ratio veri: unde D. Thomas infra qu. 19. art. 3. ad 1. ait quod bonum prius pertinet ad intellectum sub ratione veri, quam ad voluntatem sub ratione boni & appetibilis.

DISPUTATIO IV.

De proprietatibus formalis beatitudinis. C

Ad questionem 4. D. Thome.

EXPLICATA essentiā beatitudinis for-
malis, consequens est ut ejus proprietates
declaremus: illae autem praecipue sunt
tres: scilicet amor, delectatio, & impeccabilitas: de quibus in hac disputatione differemus.

ARTICULUS PRIMVS.

An beati necessariò diligent Deum
quantum ad exercitium.

§. I.

Quibusdam premisis, conclusio affirmativa
statuitur.

CERTVM est quod beati perpetuo & non
interrupto amore charitatis diligent Deum
per totam aeternitatem. Ita enim ex pluribus
Scriptura locis colligitur, praesertim ex illo i.
ad Corinth. 13. *Charitas nunquam excidit, sive
prophetie evanescunt, sive lingua cessabunt,
sive scientia destruetur: id est exercitium gratia-
rum & miraculorum, prophetiae, usus linguarum &c. imò etiam exercitium virtutum fidei &
spei cessabit in celo: at nunquam ibi cessabit
exercitium actuale charitatis. Deus enim (inquit
Augustinus) sine fine videbitur, sine fastidio
amatibus, sine fatigacione laudabitur.*

*De civi-
tate lib.
ultimo
cap. ul-
timo.*

Addo quod Scriptura passim alterunt beatos
externa, & nunquam interrupta jubilatione lau-
dare Deum, eique benedicere: Apocal. 4. *No-
ste & die non habent requiem, dicendo, sanctus
&c. Et Psal. 83. Beati qui habitant in domo tua
Domine, in secula seculorum laudabunt te: At
haec jubilatio continet excellentissimum exer-
citium actuale charitatis in Deum; nam illa est
congratulatio Deo de infinitis ipsius perfectio-
nibus, & quasi votum & deprecatione ut haec in
aeternum illi conueniant, ut revera convenient;*

unde Apocal. 7. Sancti dicunt: *Benedictio &
sapientia, honor, virtus, & fortitudo Deo nostro
in secula seculorum: Ergo beati perpetuo & non
interrupto amore diligent Deum per totam a-
eternitatem.*

Solum ergo difficultas est, an talis amor, non solum quoad specificationem, sed etiam quoad exercitium sit necessarius, ita ut beati non possint a tali dilectione cessare, vel actu illum interrumpere? Scotus enim in 1. diff. r. qu. 4. affirmit illum esse ex sua natura liberum & contingentem; et si ab intrinseca Dei providentia, tollente omnia qua possent a charitate divertere, habeat quod in aeternum sit duratus. Thomistæ vero cum S. Doctore 1. p. quest. 82. art. 2. contendunt illum esse ex sua natura necessarium quoad exercitium, quamvis ab extrinseco & de absoluta potentia cessare possit.

Dico igitur: Beatus necessariò diligent Deum quoad exercitium, ita ut non sit in ejus libertate vel potestate a tali actu cessare.

Probatur conclusio ratione fundamentali: Voluntas, cum sit appetitus rationalis, & sequatur ductum ac dictamen rationis, non potest cessare ab aliquo actu, nisi in eo intellectus concipiatur aliquam rationem mali, vel in eius cessatione aliquam rationem majoris boni: Sed nullum horum potest judicare beatus de amore Dei: Ergo non potest ab actu amoris cessare. Major patet, Minor probatur. In patria actus amoris est jucundus & facilis; cum charitas in patria sit veluti in suo centro, utpote conjuncta cum clara Dei visione, & regulata per lumen gloriae; neque esse potest laßitudo aut desfatigatio in ejus exercitio, cum non dependeat ab aliquo organo corporeo; visio enim, ad quam sequitur, non est per conversionem ad plantas mata: denique clara Dei visio non compatitur iudicium erroneous, quod beatus judicet esse illi bonum, cessare ab amore Dei; sed beatus semper habet actu contrarium, quo iudicat illi esse bonum, continuò adhærere Deo per amorem, & ab illo nunquam divelli, ita ut non possit voluntas intellectum ab eo iudicet, vel per unum instans divertere: Ergo &c.

Confirmatur: Homo in via necessitatur quantum ad specificationem ad volendum bonum ut sic, abstractum a vero & apparenti: non vero quantum ad exercitium; quia fragilitas hominis pro hoc statu non patitur illum operari sine intermissione, nec esse in continua consideratione boni: in patria vero per claram Dei visionem continuò repräsentatur infinita bonitas summa diligibilis, & continens omnem rationem boni satiatiā appetitus, iuxta illud Exodi: *Ego ostendam tibi omne bonum: Ergo beatus in patria necessariò diligit Deum, non solum quoad specificationem, sed etiam quoad exercitium, nec potest a tali dilectione cessare.*

Confirmatur amplius: Divina voluntas, ex eo quod intellectus divinus videret essentiam suam, determinatur ad amorem sui naturalem & necessarium quoad exercitium: Ergo idem dicendum est de voluntate creata, si clare videt divinam essentiam. Probatur consequentia: quia voluntas divina perfectior est, & liberior omni voluntate creata: Ergo si non obstante hac perfectione & libertate, ab objecto infinito determinatur & necessitatur quoad exercitium; idem a fortiori dicendum est de voluntate creata videntis essentiam divinam;

- cum enim illa sit imperfectior, multo magis infinitas objecti visi vincet ejus libertatem, & necessariò trahet illam post se.
6. Dices primò: Ideò voluntatem divinam necessariò quoad exercitium Dei bonitatem diligere, quia cùm sit infinita & actus purus, necessariò debet esse in actu; voluntas verò creata cùm sit finita, & potentialis, non exigit esse semper in actu.
- Sed contra: Ex hoc quod divina voluntas semper debeat esse in actu, solum sequitur esse necessitatam vagè ad amorem alicujus objecti, non autem colligitur illam ex natura sua esse determinatam & necessitatam ad amorem bonitatis divinæ: Ergo talis determinatio & necessitas ex infinite bonitatis divinæ clarè cognitæ oritur, & non aliunde.
7. Dices secundò, voluntatem divinam infinitè diligere propriam bonitatem, & ideò necessariò illam diligere: quod in voluntate nostra non contingit.
- Sed contrà primò: Non obstante quod divinus intellectus seipsum intelligat modò infinitò, intellectus verò creatus Deum intelligat finitò modò: uterque tamen necessitatur ab infinito objecto, si debite applicetur, & ex parte nostra adint vires: Ergo pariter, non obstante discrimine assignato, voluntas creata necessariò inclinatur in infinitum objectum, si supponas ut vires in ipsa, & alias debite per claram visu tem objectum illi applicetur. Deinde in hoc quod estab objecto infinito clarè cogniti necessari, nulla reluet infinitas: Ergo etiam voluntas nostra modò finitò divinam bonitatem attingat, poterit necessari ab illa, si clarè & evidenter cognoscatur.
8. Respondebis terciò, bonitatem divinam esse objectum primarium, connaturale, & proprium voluntatis divinæ, non verò creata; & ideò illam necessitare, non verò istam.
- Sed contra: Licet bonitas infinita Dei non sit objectum primarium & connaturale voluntatis nostræ absolutè, eft tamen objectum primarium & connaturale illius, ut charitate informatæ; & alias non minus, illò magis propendet in bonitatem divinam, quam in propriam bonitatem; sicut partes inclinant magis in conservationem capitï & totius, quam in propriam conservationem: Ergo hæc ratio discriminis non valet.
9. Probatur secundò conclusio: Sicut in nostro intellectu inventur ratio discursivi, respectu conclusionum, & ratio intellectivi sine discursu, respectu principiorum; ita in voluntate nostra reperitur modus agendi naturaliter, & modus agendi liberè: Sed ratio naturæ respectu nullius objecti potest melius exerceri, quam respectu objecti infiniti clarè & evidenter cogniti; cùm enim infinitam bonitatem contineat, eft motu adæquatum illius, & omnem ejus vincit indifferetiam, & implet capacitem: Ergo sic cognitum diligitur necessariò.
10. Dices, illud diligi necessariò quoad specificationem, non verò quantum ad exercitium.
- Sed contra primo: Sicut in voluntate reperitur modus agendi liberè quoad specificationem, & modus agendi necessariò, etiam quoad specificationem: ita etiam possunt illi convenire libertas exercitij, & necessitas quoad exercitium: Sed hæc respectu nullius objecti potest melius exerceri, quam respectu boni infiniti,
- A per visionem claram propositi: Ergo illud clarè vifum diligitur necessariò, non solum quoad specificationem, sed etiam quoad exercitium.
- Secundò, In appetitu brutorum, & in motibus subitis & primò primis, potentia non potest suspendere suum actum, eft quod operetur naturaliter, & sine indifferetia judicij ad agendum vel non agendum: Sed amor beatificus procedit à voluntate ut operante per modum naturæ, & absque indifferetia judicij ad agendum vel non agendum, ut patet ex supra dictis: Ergo non potest illum actum suspendere, seu ab illo amore cessare.
- B. I.
- Solvuntur objectiones.
- C Objicies primò: D. Thomas qu. 22, de veritate art. 6, sic ait: *Inest libertas voluntati in quolibet statu nature, respectu cujuslibet objecti: Ergo in statu beatitudinis, & respectu objecti beatifici, voluntas est libera, saltem quantum ad exercitium actus.* Unde idem S. Doctor infra qu. 10, art. 2, agens de modo quo voluntas moveretur à suo objecto, dicit quod *Voluntas movetur dupliciter, unò modo quantum ad exercitium actus, aliò modo quantum ad specificationem actus, qua ex objecto.* Et subdit: *Primo modo voluntas à nullo objecto ex necessitate moveretur.*
- D Respondeo primò, D. Thomam in his locis solum loqui de quolibet statu hominis intraviam, & de objectis à quibus voluntas hominis viatoris moveretur, non autem de statu beatitudinis, & de Deo clarè viso; ut patet ex ratione quam adjungit ultimo loco: *Potest enim aliquis de quocumque objecto non cogitare.* Quia ratio solum verificari potest pro hac vita, & de objectis à quibus voluntas hominis viatoris moveretur; non verò de Deo clarè viso, à quo beatus non potest cogitationem suam avertere; cùm visio beatifica sit invariabilis, & careat omni alternatione & mutatione.
- E Respondeo secundò: dato quod D. Thomas loquatur de omni objecto universaliter, etiam de Deo clarè viso, solum intendit quod voluntas à nullo objecto, sub formalitate objecti, seu quantum eft ex vi objecti, moveretur necessariò quoad exercitium. Nam ut rectè ibidem observat Caietanus, hoc interest discrimen inter necessitatem quoad specificationem, & necessitatem quoad exercitium, quod prima est circa objectum, & ex objecto provenit; secunda verò, etiò voluntati circa objectum conveniat, non tamen provenit ex illo, sed ex propria voluntatis natura; quæ quia libera & naturalis est, aliquando ut libera, aliquando ut naturalis operatur: primum ei convenit circa objectum cum indifferetia propositum; secundum verò circa objectum propositum sine indifferetia judicij. Hujus autem ratio est: quia objectum non moveret voluntatem quoad exercitium, sed solum quoad specificationem; & ideò necessitas quoad specificationem provenit ab objecto, necessitas verò quoad exercitium, à principio effectivo, scilicet à voluntate ut per modum naturæ operante.
- F Objicies secundò: Charitas viæ, & charitas patriæ sunt ejusdem speciei & intentionis, imò interdum charitas viæ intentione est amore patriæ; nam amor Beatissimæ Virginis, dum adhuc erat in via, amorem omnium Beatorum superavit: Sed amor viæ non est necessarius,

62. DISPUTATIO QVARTA

- quantum ad exercitium: Ergo nec amor patriæ.
15. Respondeo primò, hoc argumentum nimis probare: probat enim amorem patriæ non esse necessarium, etiam quoad specificationem; cùm charitas viæ, quæ est ejusdem speciei, non determinet aut necessitatē voluntatem, quoad specificationem actus, alioquin redderet illam impeccabilem.
16. Respondeo secundò, concessâ Majori & Minorî, negando Consequentiam: necessitas enim charitatis in patria non oritur ex ejus specie, neque ex ipsis intentione, sed ex eo quod reguletur per lumen gloriae, & visionem beatam, quæ Deum ut summum bonum necessariò diligendum proponunt.
17. Dices: Per fidem Deus proponitur voluntati viatoris, ut summum & infinitum bonum, & tamen amor per illam regulatus est liber: Ergo quamvis in patria per lumen gloriae, & claram visionem proponatur ut summum & infinitum bonum, amor tamen per illam regulatus erit liber.
18. Confirmatur: Diversitas approximationis & applicationis passi ad agens, non inducit necessitatem, sed solum intentionem actionis, ut patet in diversa approximatione calefactibilis ad calefactivum: Sed clara Dei visio non representat diversam bonitatem, sed solum eandem melius applicat, & magis conjungit voluntati, quam fides & cognitio obscura: Ergo non inducit necessitatem amoris, sed solum maiorem intentionem illius.
19. Ad objectionem respondeo primò, concessâ Antecedente, negando Consequentiam: nam eti utrumque lumen Deum ut summum bonum representet, unum tamen illum representat clare, & ut est in se; alterum verò oblitus, & per alienas species tale bonum proponit: unde sicut intellectus à vero, primo non autem secundo modo proposito, convincitur, ita & voluntas solum à summo bono clare cognito necessitatis est.
20. Respondeo secundò, quod perseverante iudicio, quod in via judicamus Deum esse summè diligendum, & non stante aliò contrariò, voluntas necessariò diligit; talis tamen dilectio est absoluè libera, quia tale iudicium subiectum protestati nostræ, tum ratione obscuritatis fidei, quæ non plenè convincit & captivat intellectum; tum ratione fatigationis, que interdum fastidium causat in nobis; tum etiam ratione impedimenti quod præstat prædictus amor; impedit enim ne homo ad alia objecta, vel ad alios actus se applicet, in quibus potest maiorem rationem boni apprehendere: nihil autem horum in clara Dei visione potest contingere; & idèo amor per illam regulatus omnino necessarius est.
21. Ad confirmationem respondeo primò, veram esse Majorem, quando in agente solum inventur unus modus operandi, scilicet verò quando multiplex reperitur; tunc enim ex diversa approximatione & applicatione objecti potest nasci necessitas: in voluntate autem duplex modulus agendi inventur, naturæ scilicet & libertatis, ut suprà vidimus.
22. Respondeo secundò, datâ Majori, negando Minorem: nam visio clara non solum approximat idem objectum, sed ob sui claritatem & evidentiam, adeo intellectum convincit, ut nec in illo aliquam rationem mali, nec in ejus amore aliquam rationem fastidij inventire possit: per
- A fidem autem non ita convincitur; & idèo eti idem objectum ab utroque lumine proponatur, proponitur tamen veluti sub diversa ratione.
- Objicies tertio: Habitibus utimur cùm volumus: Ergo etiam Beati utuntur habitu charitatis, & ejus actum excent, quando volunt, & per consequens non diligunt necessariò Deum quoad exercitium.
- Respondeo concessò Antecedente, negando Consequentiam: licet enim voluntas affecta & elevata habitu charitatis, utatur habitu illo cùm vult, quando regulatur iudicio indifferenti, quod est principium & origo libertatis: non tamen utitur illo cùm vult, sed necessariò raptur in actum ejus, quando habitus ipse & voluntas subjiciuntur dictamini necessario, & iudicio non indifferenti, ut contingit in patria.
- Dices: Beati possunt in carentia seu cessatione amoris beatifici aliquam rationem boni apprehendere, nempe exercitum libertatis: Ergo talis amor non regulatus dictamine necessario.
- Respondeo negando Antecedens: libertas enim exerceri non potest circa bonum universale & infinitum clarè cognitum, ut à beatis cognoscitur, sed solum circa creaturas & bona particularia & limitata, quæ cum illo necessariam connexionem non habent: Sicut intellectus facultatem discurrendi & ratiocinandi circa prima principia exercere non potest, sed solum circa conclusiones quæ in illis virtualiter continentur.
-
- ARTICVLVS II.
- A qua virtute procedat gaudium seu delectatio, quâ Beati de Deo clare viso, ut bono sibi proprio delectantur?*
- D VPLEX in Beatis reperitur delectatio supernaturalis: una quæ provenit ab amore amicitiae, quâ gaudent de bono divino in se considerato; de quo gaudio intelligitur illud Apocal. 19. *Quoniam regnabit Dominus Deus noster omnipotens, gaudeamus, & exultemus, & demus gloriam eis: alia quæ oritur ex amore concupiscentiae, & quâ gaudent de Deo, & bonis ipsis ut participatis, & ad ipsorum felicitatem conducentibus: de quo gaudio loquitur Prophetæ Psal. 55, cùm ait: Adimplebis me latitudinem vultu tuo: delectationes in dextera tua usque in finem.* Prima elicetur à charitate, tanquam actus secundarius ejus: quia ut docet D.Thomas 2. 2. qu. 28. per totam, gaudere de bono amici, est actus & fructus amicitiae & charitatis. Unde solum difficultas est de secunda, quæ cùm ad amorem concupiscentiae pertinet, non videtur posse à charitate, quæ est amor amicitiae, procedere. Quare Suarez hic disp. 9. sectione 3. num. 12. & 3. p. qu. 7. art. 4. docet eam elici ab habitu spei, quem dicit remanere in patria, & fuisse in Christo; quamvis ab instanti conceptionis fuerit beatus & comprehensor, videritque divinam escentiam.
- E S. I.
- Vera sententia statuitur.*
- D I c o tamen: Delectatio quâ Beati de Deo, ut bono sibi proprio eos beatificante, delectantur, quæ ad amorem concupiscentiae pertinet.